

靈寶領教濟度金書卷之六十六

洞微高士開光救苦真人寶金真授

靈寶通玄弘教水南先生林壹真編

科儀立成品併用

大獻午朝行遺儀

步虛 燒香頌

各禮師存念如法

宣衛靈呪

丹靈朱火 炎霞激風 赤輪剛運 天光八衝

逆威包羅 交變萬方 流金豁落 群魔滅蹤

辟奸破祆 明耀元功 金符召制 躡雲策龍

謠歌慶會 散花太空 神化冥運 四極安隆

伏御帝前 罔有不恭

鳴法鼓二十四通

无上三天玄元始三炁太上道君召出巨身

中三五功曹左右官使者侍香金童傳言玉

女五帝直符直日香官各三十二人出出者

嚴裝闍闔玄壇天帝神君雷召此間土地里

域真官正神急上闍闔巨今奉為入悉以今

午朝行道願得

玉清道炁靈寶妙光下降流入巨等身中即

使玄壇清淨內外成真天無氛穢地絕林塵

琳琅振響十方肅清萬魔不干真誠上徹令

巨所啓之誠速達徑御

太上无極大道至真玉皇上帝御前

請稱法位

具位巨姓某與臨壇官衆等謹同誠上啓

太上无極大道虛无自然元始天尊太上虛

皇玉晨大道君金闕玄元太上老君昊天玉

皇上帝十方已得道大聖衆至真諸君丈人

十方自然靈寶天尊隨機赴感太乙救苦天

尊三十六天帝君王虛上帝玉帝太帝東華

南極西靈北真玄都玉京金闕七寶玉臺紫

微上官靈寶至真明皇道君三十六部尊經

玄中大法師三界應感一切真靈巨聞大道

混茫高運紫清之表至真寥廓潛凝玄碧之

中提覆載以生成合陰陽而化育九華八極

流惠露於黃圖六洞十官職迅霆於黑鬱匪

藉虎闍之浩蕩局令軒室以超凌巨等昌運

欣逢玄樞仗觀山林獨樂未能藏六以順真

朝市同流徒藉存三而遯妄誓磨操修之力

庸殫濟度之功凡有皈投敢忘關告齋主忱

詞謹當宣奏

宣詞

按如詞言可量激切齋主某勤奉皈命稽顙

馳神極地瀆天悲苦之幽魂無盡際上蟠下

淒迷之沉爽翼窮往古來今陽注陰受或宰

制六合或更霸九州或龍冠椒房或榮分茅

杜或槐庭棣貴或榆塞威明或文藝無雙或

武陣第一或雲林宴坐或月錫經行或喜探

玄元或樂味禪悅或守戒定慧或鍊精炁神

或秀權儒林或榮聯仕版或東陵學圃或南

陽躬耕或商販江湖或鋤耕田野或術精棗

李或藝冠岐黃或技絕釣韶或業超匠石或

工紹陶冶或學襲箕裘或朱墨舞文或綺羅

嚮巧或心營屠儉或志典庖厨或射獵掩群

或羅網併陣善緣山積死觀超凌惡業海深

沒終淪墮凡今時之孤滯皆昔日之芳華有

滅有生無貴無賤與齋主所度某等均臨平

等光明之席來趨廣大清淨之廷朝禮慈容

圓成慧性法水洗群迷之陋辭五濁泥香羞  
 充萬劫之飢度三清岸陶丹陵之英粹開黑  
 鬱之精華玉簡昭宣俾遂千生之快樂金符  
 告命為除九死之冤愆永脫苦輪即登樂界  
 瑤光在上升龍御以依華圭影正中輅烏輪  
 而散彩法兩振山河之潤香風陶宇宙之和  
 鳳葆翻飛燦三辰於玉壘鸞橋搖曳鳴九奏  
 於瑤塔洽大地以均歡極周天而並慶以今  
 臨千行道請法眾等遵茲初捨上香歸身歸  
 神歸命

大道臣等首體投地仰依

太上三尊願以是功德上祝

社稷尊靈宗祧先聖伏願遊神廣漠御氣虛  
 先受策紫微駕飛龍而問道登真碧漢驂翔  
 騰以升仙基業千齡本枝百世今故燒香自  
 歸依

歸依

師尊大聖眾至真之德得道之後昇入無形  
 和與道合真

以今臨千行道請法眾等遵茲二捨上香歸  
 身歸神歸命

卷六

十一

大道臣等首體投地仰依

太上三尊願以是功德歸流齊主家億曾萬  
 祖歷劫種親伏願升神藥闕度命遵喜萬罪  
 清夷請鬱羅而遊宴千寃解悟瞻劫切以道  
 遠永證大乘克登小有今故燒香自歸依

師尊大聖眾至真之德得道之後昇入無形  
 和與道合真

以今臨千行道請法眾等遵茲三捨上香歸  
 身歸神歸命

大道臣等首體投地仰依

太上三尊願以是功德歸流普天率土外狄  
 中華諸類幽靈九垓滯爽並願沉酣聖日鼓  
 舞神風一性圓明悟生生之苦惱千情寂滅  
 蕩劫劫之淒涼正路宏開邪門閉塞今故燒  
 香自歸依

師尊大聖眾至真之德得道之後昇入無形  
 和與道合真

禮方 懺方 命魔

三啓

樂法以為妻 愛經如珠玉 持戒制六情

念道遺所欲 淡泊正恚停 蕭然神靜默

天魔並敬護 世世享大福

又

鬱鬱家國盛 濟濟經道典 天人同其願  
 縹緲入大乘 因心立福田 靡靡法輪升

七祖生天堂 我身白日騰

又

大道洞玄虛 有念無不契 鍊質入仙真  
 遂成金剛體 超度三界難 地獄五苦解

悉歸太上經 靜念稽首禮

三禮

等志心稽首禮

太上无極大道

等志心稽首禮

三十六部尊經

等志心稽首禮

玄中大法師

重稱法位

具位臣姓某等謹重誠上啓

太上无極大道元始天尊太上大道君太上

十二

老君高上玉皇十方自然靈寶天尊隨機赴感太乙救苦天尊三十六部尊經玄中大法師天師君上相上宰四司五帝三界內外應感真靈臣聞空洞生神萬物踐形於覆載飛玄結炁百昌御景於陰陽由一迷一悟之分有萬死萬生之異上无復祖既列天職以裁成中有度人斯建仙曹而校錄幽明並仰今古咸遵今齊主其明發九思夙宵三嘆願廣提於幽暗期頓返於陽光猶慮前生他世彼世此生營營蟻磨鼓慾海之千尋忽忽駒聽棹愛河之萬仞莫障狂瀾之浩蕩孰留逝水之汪洋積寃債以難明縱罪尤而罔悟羊腸蝸角逐實利以矜驕蟲臂鼠肝徇虛名而煥耀輕慢四大穢賤三光惟知傲忽於生前誰念伶仃於死後以今轉經首過行道除愆願剖憲於丘陵為解究於毫髮三光映服練飄飄之素華七珍流香灑泠泠之甘露陽燄蕩積陰之垢方諸澄極沍之塵同入无為侍奉珠而遊宴水辭有渴翔審翠以徘徊迎脫沉淪普升家廟齋主其襟期天祐步武神扶與

道合真衍天休於九軌為善最樂彰帝隆於八遐公私之振曜龍光中外之瑞星沉彩凡有懇願靈籙甄陶上願覆載昭寧圖書顯應日星煥輝草木蕃鮮麥秀雙岐凝煙雲於碧落未生同穎融霽月於玄虛野无鴻鴈之流離庭有鳳凰之鳴和九幽朗宴五苦俾閑則上明天尊大慈之化下副臣等皈向之誠謹啓以聞

十二願

- 一願大道淡泊虛无安閑室寂澄清自居廣開法門教導頑夫皆蒙惠澤精苦自修預以同學普得昇虛與天相保長存無憂
- 二願諸天結炁澄清高虛廣覆保真固靈氣候調即四運和平國安民豐普天閑寧廣濟一切患遠有生保天長存億劫不傾
- 三願土地覆載無窮安平不陷海淪不崩保鎮家國北民具從養生安死惠周十方

未稼滋植管運日豐咸得覆載萬類皆從

- 四願日月二景高明無有宇蝕虧盈安清光照諸天洞消暗冥保固劫運世祚和平普加潤澤惠灑衆生
- 五願星辰與日齊光轉燭照耀朗映十方各安其位經緯直行保鎮家國無有災傷四海寧一普天與昌
- 六願四時隨節推遷景氣和調無有災患疫毒消滅普天安平五穀豐熟國富民歡
- 七願浮雲結炁聚烟飛空高澄蔭覆玄玄隱則無為散則彌天神仙同居結友衆真惠流一切典國愛民普濟群生入同劫年
- 八願風雨流灑無窮普加施泄受其發揚萬物滋生國儲民豐
- 九願五嶽各安其方魏龜包藏長為仙宮安鎮國祚保天無終護度一切莫不仰宗
- 十願江海蕩蕩无極含容恢廓無細不植淵與柔惠潤加蠕息天人獲慶年同劫石

十一頌帝王國主日昌四鎮安睦共革不揚  
天人歌唱吉應來翔敷教濟濟感化揚  
揚兆庶稱慶安樂未央

十二頌螽飛蠢動已生未生成蒙安全普得  
生成皆見元氣受陽之形草木果林經

冬不寒一切濟度靡不鮮榮與道合真

復爐

香官使者左右龍虎君侍香諸靈官當今日  
朝元之所自然生金液丹碧芝英百靈聚真  
文會在此香火爐前今日學道得道求仙得  
仙齋主受福幽顯沾恩十方仙童玉女侍衛  
香煙傳日向來所啓之誠速達徑御  
太上无極大道至真玉皇上帝御前

出戶

靈寶領教濟度金書卷之六十六

靈寶領教濟度金書卷之六十七

洞微高士開光救苦真人審金真授  
靈寶通玄弘教水南先生林靈真編

科儀立成品淨供

大獻挽朝行道義

步虛 入戶

各禮師存念如法

宣衛靈呪

五星高耀 瑞氣飛浮 元始集神 天地交周  
玉符寶印 嘯命微幽 擲火揚威 奸凶無留  
萬魔振伏 紛葩却消 摧怪伐惡 道炁周流  
神光照夜 陰翳俱收 萬神降格 扇景兼馳  
群生咸遂 惠遍神州與道合真

鳴法鼓二十四通

元上三天玄元始三炁太上道君召出身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為入意以令

晚朝行道願得

王清道炁靈寶妙光下降流入臣等身中即  
使玄壇清淨內外成真天無穢地絕祲塵  
琳琅振響十方肅清萬魔不干真誠上徹今  
臣所啓之誠速達徑御  
太上无極大道至真玉皇上帝御前

請稱法位

具位臣姓某與臨壇官眾等謹同誠上啓  
太上无極大道虛元自然元始天尊太上虛  
皇玉宸大道君金闕玄元太上老君昊天玉  
皇上帝十方已得道大聖眾至真諸君丈人  
十方自然靈寶天尊隨機赴感太乙救苦天  
尊三十六天帝君玉虛上帝玉帝太帝東華  
南極西靈北真玄都玉京金闕七寶玄臺紫  
微上宮靈寶至真明皇道君三十六部尊經  
玄中大法師三界應感一切真靈臣聞道包  
天地賦萬化以陸離人察陰陽並三才而煥  
赫明列樞衡於氏欽幽司機變於神靈教雨  
數羅六合均承於靈籙神風鼓動八紘普仰  
於裁成就非元始之綱維實藉虛皇之宰制  
稟生受命起死迴骸臣等綴武瑞壇承顏琅